



Inatsisartunut Ilaasortaq Lars Poulsen, Siumut

**Nunatta kangiaata sineriaani Inuussutissarsiutinik suliaasaqarfimmik
Ineriartortitsineq pillugu § 37-imik apeqqummut nr. 51-imut akissut**

09-06-2022
Sagsnr. 2022 - 5852

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Asasara Lars Poulsen

Inatsisartut suleriaasianni § 37, imm. 1-i naapertorlugu apeqqutigisannut qujanaq. Apeqqutit ataani akineqarput.

- 1. Naalakkersuisut nunatta kangiani inuussutissarsiornikkut inerisaanissamik suut pilersaarutigaat?*

Akissut 1):

Nunatta kangiani suliffissaqartitsinermut sapinngisamik pitsaanerpaanik pissutsinik inerisaanissamut aammalu inooqatigiinnikkut pissutsinik qaffasaanissamut pilersitsinissaq Naalakkersuisut kissaatigaat. Taamaattumik Isumaginninnermut Sulisoqarnermut Nunallu Iluani pissutsinut Naalakkersuisoqarfimmit siulersorneqartumik suleqatigiissitaliamik pilersitsisoqarsimavoq. Naalakkersuisut qanoq sapinngisamik pitsaanerpaamik nunatta kangiani ilinniartitaanermik suliniutinik, suliffissaqartitsinermik aammalu inuussutissarsiornikkut inerisaasinnaasut, suleqatigiissitaliap ukkatarissavaa.

- 2. Naalakkersuisut inuussutissarsiornikkut pikkorissanissamut ussasaarinissamullu pilersaarutaat sumut killippa?*

Akissut 2):

Inuussutissarsiornermut Niuernermullu Naalackersuisoqarfimmit
Isumaginninnermut, Sulisoqarnermut Nunallu Iluani pissutsinut
Naalackersuisoqarfimmut apeqquteqaateqartoqarsimavoq, ima
akissuteqarfiusumik:

*” Erseqqissaatigineqassaaq, kingusinnerpaamik 2022-imi juli-p naanerani
inuussutissarsiornermik inerisaanermik aammalu nutaaliornermik, nunatta
kangiani innuttaasunut kursusertitsinissamik neqeroorutitalimmik
paasisitsiniaanermik ingerlataqarnissamat pilersaarusiamik
saqummiussisoqassamat.*

*Taamaattumik piffissaliussap ulluata kingulliup tungaanut suli qaammatit
sisamat sinnerlugit piffissaqarmat, ingerlaavartumik isumassarsiat
taarserarneqartarnissaat pissusissamisuuinnassaaq.*

*Kursusertitsinissamik neqeroorutit assigiinngitsut tamakkualu qaqugu
aallartinneqarnissaasa tamakkiisumik isigisinnaanissaat, piffissami matumani
sulissutigineqarpoq.”*

Inussiarnersumik inuulluaqqusillunga



Vivian Motzfeldt

Nunanut Allanut, Inuussutissarsiornermut Niuernermullu Naalackersuisoq